

Ipinapahayag na ang layunin ng batas ay pangalagaan at paunlarin ang kalusugan, kaginhawahan, at kapaligiran ng mga naninirahan sa Colorado, binibigyan ng limitasyon ang kanilang pagkalantad sa usok ng tabako o sigarilyo.

Ipinapatupad na ang mga Lugar sa Loob ng Bahay o Gusali ay Malaya o Ligtas sa Usok

Kasama ngunit hindi limitado sa:

- Mga lugar at gusaling pampubliko katulad ng elebetor, palikuran, sinehan, museo, aklatan, eskuwelahan, mga institusyon na pang-edukasyon, mga istruktura para sa mga retirado o mga alagaan ng mga matatanda.
- Mga bulwagan, mga lugar para sa pagtanggap ng mga bisita, mga pasilyo, at ano mang mga lugar na pangmadla
- Ano mang lugar ng trabaho na hindi nakatanggap ng pagpaliban sa pagtupad sa batas na ito
- Mga restoran, mga taberna, mga lugar ng sugalan na limitado, mga bilyaran, mga palaruan ng bowling, mga groserya, at ano mang mga establisamiyento na nagsisilbi ng pagkain
- Mga pook ng palaro na nasa loob ng gusali, mga lugar ng pampalakasan, at mga awditoryum
- Mga lugar sa pangangalaga ng kalusugan, mga ospital, mga klinika sa pangangalaga ng kalusugan, mga opisina ng doktor, at mga lugar na nag-aalaga ng mga bata
- Hindi bababa sa 75% ng silid tulugan sa mga otel o motel
- Mga kuwarto ng mga hurado para sa paghihintay o deliberasyon, mga silidhukuman, at mga silid pampulong na pampubliko
- Ano mang transportasyong pangmasa na pinatatakbo ng pamahalaan

Entrada o Pasukan

- Ang mga entrada ng mga gusaling nasasaklawan ng batas na ito ay kailangang libre sa usok
- Ang ibig sabihin ng “entrada” ay ang labas ng harapan o pangunahing pasukan papunta sa isang gusali. Nasasaklawan rin ng entrada ang propiyedad na pampubliko o pribado na nasa loob ng tinutukoy na rayos sa labas ng pasukan. Ang tinutukoy na rayos ay itatakda ng lokal na awtoridad, o kung hindi pa nakapagtakda ang lokal na awtoridad, ang tinutukoy na rayos ay magiging 15 piye.
- Maaaring magtukoy ng rayos na mas maiksi sa 15 piye ang lokal na awtoridad para sa pook na nasasaklawan ng entrada.

Hindi Saklaw ng Batas

- Mga bahay na pribado, mga residensiya, at mga kotse maliban lang kung ginagamit para sa pag-aalaga ng bata sa child care o day care
- Mga limosina sa ilalim ng pribadong arkila
- Hanggang 25% ng mga inuupahang kuwarto ng mga otel o motel
- Mga negosyo na nagtitingi ng tabako o sigarilyo

- Isang establisamiyento na kumumporme sa kahulugan ng “cigar-tobacco bar” o “establisamiyento o tindahan o restoran na ukol sa pagsisigarilyo o pagtatabako” sa petsang Disyembre 31, 2005
- Ang labas na parte ng kahit aling negosyo, maliban sa mga entrada na inilalarawan sa itaas
- Ang plano ng palapag ng pantingi ng mga kasino o bahay-pasugalan
- Ang mga tindahang pinahintulutan ang paninigarilyo o pagtatabako sa loob ng Denver International Airport na buong-buong nakukulob at may sariling pahanginan
- Mga kumpanya o opisina na may tatlo o mas mababang bilang ng mga empleyado na hindi nagpapapasok sa publiko
- Isang pribadong gusali sa bukid o rantso na hindi pang-tirahan na may kitang mas maliit sa \$500,000 sa isang taon

Mga Multa

- Ang paglabag sa batas na ito ay isang Class 2 Petty Offense (Menor na Kasalanan, Ikalawang Klase)
- Labag sa batas para sa isang taong nag-aaari, nangangasiwa, nagpapatakbo, o dili kaya ay nagkokontrol ng paggamit ng kapaligirang binubuo ng gusali o bahay at lupang kinatitirikan nito na napapailalim sa batas na ito, na lumabag sa kahit aling itinatakda ng batas na ito
- Labag sa batas para sa isang tao na magsigarilyo o magtabako sa isang lugar kung saan ipinagbabawal ng batas na ito ang magsigarilyo o magtabako
- Pangunang paglabag sa loob ng isang taon - multa, \$200
- Pangalawang paglabag sa loob ng isang taon - multa, \$300
- Pangatlong paglabag sa loob ng isang taon - multa, \$500

Ang bawa't isang araw ng patuloy na paglabag ay ituturing na isang bukod na paglabag.

Pagpapatupad

- Ang batas na ito ay isasakatuparan ng lokal na awtoridad

Para sa isang kopya o sipi ng batas, magpunta sa : www.SmokeFreeColorado.org